

釋迦氏譜卷

壁二

唐 釋 道 宣 撰

出家尋教迹第五

初啓出家相

經云至年十九思出家時將已至矣到父王所頭面作禮王抱令坐白言思欲出家必願聽許學於聖道王孰其手流淚言曰宜息此懷國未有嗣普曜云欲不老等四願故出家耳王言古今難免汝何預憂

二天神接舉相

普曜經云相師白王今不出家過七日已轉輪王位自然來應王聞益喜即嚴四兵一旬內以防守之內外警嚴因果云我年十九今二月七日出家時至又留國嗣滿父王願便放身光煩四天王乃至淨居不令人見諸天即下禮足白言無量劫來修行今熟答曰如汝等言然內外防衛欲去無從天以神力悉令淳昏而卧普曜云諸天遙白沸星適現即令車匿鞍鞬陟來四天王與夜叉龍等皆被鎧甲從四方來于時馬鳴奴泣總安撫已

見明相出光耀十方太子即師子吼言過去諸佛出家亦然於是諸天捧馬四足并接車匿釋天執蓋從北門出太子又云不斷八苦不轉法輪不成菩提要不還此天讚善哉至曉便止已行三由旬諸天便沒不見

二剃髮捨俗相

經云太子至閑靜林以寶冠明珠瓔珞嚴飾具與車匿已以劍自剃鬚髮作是誓言願共一切除斷煩惱于時天帝接髮而去讚言善哉大權云菩薩之頂無能見者況能除髮故

自剃髮又除王恨故又念過去諸佛法衣不以七寶淨居天知已化作獵師身服袈裟菩薩即以寶衣而用貿之智論云所賣得衣麤布僧伽梨也經云車匿見已知志不迴馬嘶同返

四尋仙非奪相

經云太子至跋伽仙林中鳥獸矚目仙人謂是天神與徒衆迎請坐太子見諸仙人草樹皮葉以爲衣者或食華果草木或日止一食三日一食者或事水火日月翹脚卧灰棘水

火上者問其所由答欲生天便告仙曰汝諸所求終不離苦言論反覆乃至日暮明旦辭去諸仙答曰所修道異不敢相留可往北行彼有大仙可就語論不必往彼極視乃還

五王師尋迹相

經云時王見車匿還愛念情深自欲隨逐王師大臣諫曰王不當往太子生日百神呈瑞諸天悉奉云何樂世仙人定占不居王位我等自尋遂至仙所並云已過中路遙見樹下思惟臣便具告太子曰豈不知恩但爲四患

苦耳終無返步便起尋仙王臣即留五人伺察所在便度恒河路遊王舍舉國王民命駕追之捨位相邀全不降志爲說世患遂至迦蘭仙所交論非奪亦如上說

六同邪苦行相

太子調伏二仙人已進伽闍山苦行林憍陳如五人住處尼連河側靜慮六年度苦行者天獻麻米淨心守戒日食一麻米或七日食一麻米者陳如五人亦學苦行遣人白王具述苦相王聞大悲即嚴五百乘車姨母耶輸

各嚴五百資生之車令車匿領送既達不受還令返宮

七浴身受食相

經云菩薩自念我今苦行形如枯木垂滿六年不得解脫憶昔禪定是最真正爲滅外邪自餓非道我當受食然後成佛即從座起入河洗浴身體羸瘦天爲按樹得攀出池有牧牛女淨居天勸令施乳糜即取奉上呪願受食身力充足堪受菩提五人見驚謂爲退轉各還所止菩薩獨詣畢鉢羅樹以德重故地

動作聲盲龍得眼見瑞讚頌五百青雀右繞飛空瑞雲香風交相映拂同過去佛以草爲座帝釋化人執淨軟草受已敷坐如過去佛結跏趺坐不成正覺不起此座天龍歡喜諸相難言觀佛三昧云大化作樹乃至高八千里者下劣薄福見坐草蓐乘時成佛迹第六

初降魔顯德相

處胎經云菩薩坐閻浮樹四十八日觀樹思惟感動天地光蔽魔宮波旬卧夢見三十二

變

文多
不具
菩薩五百
子隨父教

從覺恐怖召會臣兵并召千子

五百
子信

又告四女先令往壞現三十二姿

告
娟相
不具
文多

變成老母觀佛三昧云三女莊飾

盼目妖治禮敬苦薩以身奉侍寶器天味以

上菩薩爾時身心寂然不動白毫擬之女身

望二
九孔根本二藏自見厭惡八萬戶蟲唼食諸

藏見便嘔吐身左蛇頭右狐頭中首狗頭背

二斷惑成覺相

負老母抱死小兒諸女驚號匍匐而去魔王大怒遍勅六天并諸八部各興四兵盡其變態又勅閻羅阿鼻苦具一切都舉向菩薩所

波旬震吼勅諸兵衆武器交橫滿虛空中互相迫憚不能得近菩薩徐舉眉毫擬獄罪人

白毫出水注火滅已自憶作非心得清涼稱

南無佛因生人中魔王前近與佛相難

文如
本起

菩薩以智慧力伸手按地應時地動魔與兵

衆顛倒而墮

經云爾時菩薩以慈善力二月七日夜降魔放光入定觀法即得三明六通具足遍觀三界三世諸事皆知名色是諸惡因受行八正

衆苦便滅菩薩自知已除三毒生死根本所作已成智慧明了明星出時霍然大悟得成正覺得十八法十種神力四無所畏于時大地十八相動天清風輕瑞雲雨甘又雨天華天鼓自鳴繞菩薩樹滿三十六由旬八部充

建二

五

溢諸天具樂幢旛無量一切衆生皆相慈愛

五淨居天并五通仙及餘苦趣咸大歡喜

說法開化迹第七

初興念愍物相

經云如來於七日中觀樹思惟我以盡漏本

願成滿得甚深法唯佛能知然諸衆生處五濁世三毒所覆薄福無智不解深法若轉法輪迷生誹謗當墮惡道受無量苦今者寧可入般涅槃普曜云正覺成道移坐石室念九十六師各信所奉我今如何將救拔之

二梵王來請相

經云時大梵王見成聖果默然而住心懷憂惱衆生長夜沉沒生死今當往請轉大法輪即來佛所白言世尊往昔爲衆生故久住生死廣修德本今成佛道云何默然欲界六天

亦同勸請如是者三至滿七日默然受已各

還所止

三懷土念機相

經云佛告樹神此波羅柰仙人住處鹿苑之中人民雖少宿緣有在得法眼淨即以道眼

念彼二仙並已壽終又念五人歷侍苦辛可爲說法

四受供商者納鉢相

本起經云樹神念佛得道七日未有獻者有五百賈人經山邊過車牛皆贊有兩大人提

謂波利與衆見相詣神請福彼神現身具告

前意即和麪蜜詣樹上佛爾時如來便念往

佛以鉢受食時四天王即徃頗那山上自然

石中出四大鉢四王各取以上於佛乃總受累左手中右手按之四際分明呪願已受麪食之澡漱洗鉢即受三歸因與之別律加髮

爪與之起塔

塔今在

五道逢非機相

經云如來前行威儀詳序路逢外道名優波伽見相歎伏以偈問答心生希有合掌圍遶

而去迴顧望沒乃止

六遇兩龍供相

本起經云行至文鱗盲龍水邊坐定七日風雨大至佛不喘息光照水中龍目得開即識如來如前三佛具香水出前遶七巾身離佛

所圍四十里龍有七頭羅覆佛上而以障蔽七日一心不患飢渴雨止化爲年少道人衣服鮮好稽首問訊便受三歸
七乘機授法相

經云即復往波羅柰五人所遙見佛來謂未

成道各相約言不須起敬佛既至止不覺起禮互爲執事既違本誓深自生愧以昔徵難佛具爲解說五陰輪迴三有諸苦陳如最初悟解四諦得法眼生八萬那由空天亦法眼淨

八聲告化境相三

經云地神見陳如得道已高聲唱言如來出世轉妙法輪空天又唱乃至阿迦膩吒天地十八相動天龍八部作樂讚歎世界大明次爲四人重說四諦亦離塵垢得法眼淨

九出家表僧相

經云時彼五人既見道跡欲求出家世尊喚
言善來比丘鬚髮自墮即成沙門重說五陰
解成羅漢世間有六佛是佛寶四諦法寶五
人僧寶是世間三寶具足天人第一福田

十次第度人相

經云次度長者子耶舍得初果父來覓子佛
爲說法得法眼淨爲說三歸優婆塞初又度
耶舍同友五十人皆得初果不久皆得羅漢

十二分頭化人相

經云佛告諸比丘汝所作已辦堪爲福田宣
各遊方以慈度物我獨往摩竭提度諸人民
便頭面禮足持衣鉢分道而去經云佛往摩
竭提國有優樓迦葉兄弟三人學古仙道王
臣歸信利根我慢難可摧伏便往投宿乃止

龍窟當夕降龍明以示之雖伏神力猶言我
真後四天王下帝釋下梵王下各放光明內
心私仰後事火具佛力制之雖強不可師徒
詣佛受降許已方遂其志又請共住四事供
給日辦好食自行請佛往此洲北取闍浮果

等普曜云往忉利天取晝度樹果餘三天下
取果早至皆歎訝神奇帝釋指地成池八德
具足供佛澡漱迦葉具問欣感天瑞猶不伏
從佛見弊帛拾取浣之心念須石帝釋化方
石樹間又往香山取大石槽盛水供浣迦葉
具問私懷歎仰又以他日佛入池浴樹神按
卷三枝佛仍樹坐迦葉設會七日國王臣民大集
恐佛來至見相感動願不來會便往北洲七
夜不還餘有殘饌念佛當至應念便到即問
不來之意佛具以答心驚毛豎雖謂奇特終

謂自真又於他日知彼根熟往趣河側魔王
白佛宣可涅槃佛言我四部未具外道未降
便還天宮時佛入水令水兩開行處塵出迦
葉遙見謂被沒溺即與弟子乘船來救既見
歎仰請佛上船如來賈船底而出加坐於中
師徒歎美然口不伏本起云汝非羅漢不知
道證胡爲強顏不識羞耻自稱道德迦葉心
愧稽首白言大仙善知我心唯佛攝受佛言
汝年百二十多有弟子衆所恭敬必入我法
當告令知遂與同謀俱從正化先度迦葉證

第四果又度門人五百下流二弟各有二百

五十弟子見事火具從流而下俱到兄所亦

受佛化皆爲說法並成四果

十二赴瓶沙本願相

佛度三仙已念言王舍本願便詣頻婆娑羅

王所佛在杖林中普躍云王聞佛至大悅導

從八萬四千來至佛所咸疑師弟乃令迦葉

現通除疑說偈告衆爲王說法得法眼淨八

萬那由他人九十六那由他天同得法眼王

以竹園施佛諸王見佛瓶沙爲初僧伽藍者

竹園爲初

十三度舍利弗目連相

經云佛在竹園王城二婆羅門有大智慧舉

世所稱各有一百弟子共爲親友有阿耆比

丘入城乞食舍利弗見心異遍身具問所學

畧說一偈使得初果還爲目連再說得道即

將弟子往詣竹園佛遙授記彼來二人爲吾

上足便呼善來出家悟聖爾時摩竭提國有

一千二百五十比丘皆大阿羅漢經中多述

重其初故也

十四度金色大迦葉緣

有偷羅國婆羅門名曰迦葉三十二相通諸書論巨富能施妻亦相具俱無世欲捨家入山念言諸佛出家修道我亦當然便著千兩金壞色納衣自剃鬚髮山中靜念空天告言今有佛出便趣竹園佛往逆之與共承受說

今有佛出便趣竹園佛往逆之與共承受說法悟阿羅漢有大威德天人所重故名大也乃至佛滅住持法化被於來世六萬歲者此人之力

十五佛還本生緣

普曜經云王聞得道已經六年悲喜欲見有梵志名優陀夷是菩薩侍王令往請別闋已來經十二年思一相見受命往請佛告善來得悟四果即遣還報現通本國却後七日佛當來降王出四十里迎佛廣列侍衛動大千界王見大喜選豪族五百人爲沙門令侍于時難陀亦作沙門前禮使人天地大動佛入宮中羅雲前來佛變多身一而不異羅雲徑來趣真佛所爲表無瑕舉國同慶安樂無事歲三月六奉戒無絕

遷神化掩迹第八

初魔王重請入滅相

長阿含云佛在毘舍離與阿難獨居後夏舉體皆痛告阿難諸有修四神足在意所欲可得不死一劫有餘佛多於是天人獲安如是再三阿難爲魔所蔽不悟佛意魔請佛言願入涅槃乃至三請告言是後三月於本生處拘尸那竭娑羅園雙樹間當取滅度即天地大動人物驚怖佛言八動八相便集大衆普告令知涅槃云二月十五日晨朝放光照大

千界乃至十方六趣衆生遇光罪滅同聲哀

戀五十四衆一時雲集各設供具乃至十方無量佛國皆來同赴唯除迦葉阿難二衆所

應現已光從口入會中有優婆塞純陀等一十五人俱設供度成熟粳飯滿足八斛以佛

坐神力充足大會

二囑累終事相

經云佛爾時安慰大衆廣爲說法明三寶常住既聞法已不生滅想又云諸善男子自修其心慎莫放逸我今背痛欲卧如常患者汝

等文殊爲衆說法今以大法付囑於汝乃至
迦葉阿難等來亦當付囑

三標處現滅相

長阿含云佛入城向雙樹間令阿難敷座使
足南首北面向西方以法久流北方故佛自
四衆僧伽梨偃右脅如師子王累足而卧眾
仰以華散地佛廣說往昔六返作輪王於此
地厝骨我今成正覺已於此處復捨身命涅
槃有菩薩名迦葉廣問病因并決諸疑佛從
臥起放大光明照無量土八熱八寒諸地獄

苦皆悉消滅光中說言一切衆生皆有佛性
廣說法要度人無數故現倚卧令未得道者
爲得道因又爲八部大設供養以千端斂纏
身七寶棺盛香油灌香木焚二斂不然一在
外一在內爲諸衆生分散舍利故長阿含云
佛記千二百弟子所得道果披鬱多羅僧出
金色臂說佛出世如優曇華

四正滅度相

雙卷泥洹經云告諸比丘佛之遺令必共慎
之却後一億四千餘歲乃復有佛我爲聖師

至七十九所應作者並已究暢汝其勉之夜

已半矣無宜放逸善法由生萬物無常此是後說於是世尊即入初禪二三四禪空識不用至非想定入滅盡定從定起已入非想定乃至四三二初禪又從初禪入二三四禪從定起已入般涅槃于時大地震動幽冥大明天雨香華散大會上梵釋神天各作偈頌諸比丘等悲慟殞絕阿那律告止諸天滿空諸比丘等悲號擾擾恐有怪責既聞此喻互相戒抑

五 終後殯殮相

經曰諸比丘竟夜講法達于天曉那律告阿難入城告知如來已滅度宣知所作聞已悲慟各齋香華樂具詣樹供養竟一日已以舍利置牀上諸天舉角入城東門遍諸里巷國人皆出詣城西門在高顯處天意留至七日令得供養又出北門度尼連河天冠寺中各嚴衆具以輪王法供辦葬具香水浴已劫貝周纏內金棺中外鐵槨盛沉檀名香積上將欲加火而天滅之待迦葉故

六母來重起相

摩耶經云佛涅槃時夫人天上五衰相現五大惡夢時阿那律殯如來已昇天告之聞心悶絕甦已與眷屬下遙見佛棺不能自勝前至頂禮天華布散顧見大衣鉢杖執之悲感
聖二

十三

兩下成河佛以神力棺蓋歟開合掌舉慰從內起坐放千光明時佛合掌問訊摩耶屈遠來下諸行法爾願勿啼哭廣說諸偈佛言如來爲後不孝諸人故行上事此名母子相見經便與辨別棺便忽闔三千界動八部悲感

七現雙足相

經云大迦葉在波波國見尼乾執天華知佛滅度詣天冠寺欲見佛身三請不許達賴合掌佛重棺出雙足有異色具問知女人淚汙四部諸天俱禮佛足須臾自隱迦葉遠竚三
聖二

市說偈不燒自然樹神滅火香華供養長阿含云終夜燒蓋忽生四樹

八天上人中分骨相

雙卷泥洹經云諸王嚴四兵至請以義和不者力爭有婆羅門曰如來遺身廣利一切當

分供養前以上牙送阿闍世以副傾遲以石瓶塗蜜用分八國了已請著瓶者議以賞之又乞地炭四十九斛依起四十九塔諸王得分便起八塔瓶炭及髮爲十一髮生時者初未分前天帝與諸龍王來索舍利若不見與力足相伏即共三分一分諸天一分龍王一分八國當維耶處起寶塔高四十九仞阿育王經云諸王分已各自數得八萬四千粒舍利佛一口匙無敢取者以阿闍世初來之時聞佛滅度車中投地氣將欲絕心重故持與之將

還在道難陀龍來道逢力諍以毘與之於須彌山下起水高八萬四千里起水精塔及阿育收舍利勑鬼作鐵網縱海欲縛龍王龍怖伺阿育睡捧入海宮見塔高大故以言謝曰佛與我要乃至劫盡所有經戒袈裟應器皆藏此塔彌勒來下當復出著故不壞也阿育聞此謝而出

五序聖凡後胤

夫法王出世開俗爲先俗則祖習曾高族氏之緣綴續故隨俗命氏如前所列法門所制

無擁爲初四姓入者同皆沒滅但依法種而爲後嗣故增一云四河入海無復本名同名大海四姓出家無復本姓但言沙門釋迦子所以然者生由我生成從法成當求方便得作釋子當如是學彌沙塞長阿含云乃至彌勒佛時諸比丘等姓慈皆言慈子

從兄調達生滅相一

中本起經云父王見迦葉子人心精形陋外無容貌即選宗族有儀充僧光暉佛相各莊極華觀者盈路欲來佛所調達冠墮和離象

伏占者不祥俱請出家佛言夫爲沙門實爲不易汝宜在家分檀惠施如是者三調達惡念佛妬我耶即自剃髮修行梵行後犯五逆生入地獄口稱南無乃至佛記後出作辟支佛名曰南無目連解六十四音徃地獄慰之答言我卧阿_{壁二}鼻苦而無倦大論伽_{十五}離謗舍利弗故終入蓮華地獄

從弟那律跋提出家相二

四分阿那律母爲作三時殿采女娛樂兄摩訶男以家事累欲自出家釋種八人同時出

家先度優波離心除慢故時跋提獨坐樹間
夜中高聲言甚樂以事白佛我念在家內外
自衛猶有恐怖今獨在塚間無恐懼患我念

出離之樂佛言善哉釋子斯道甚快

弟孫陀羅難陀出家緣三

普曜經云佛在迦維國將阿難入城乞食難
陀樓上遙見下至佛所取鉢盛食令送至園
逼令出家閉七靜室後私逃還路值佛來樹
下自隱欲見婦故佛將上天便圖天女路經
地獄恐迫專到佛以瞎獮猴譏之事見雜藏

阿難以偈譏之

如瓶羊相觸 將前而更却 汝爲欲持戒
其事亦如是云

羅雲出家緣四

未曾有經云佛令目連往本城問父母三叔
并耶輸今割愛放子得聖道已當還度母絕
生死本並隨佛語父母又勑豪族五十各捨
一子隨羅睺往時年九歲佛令阿難剃髮并
五十人一時出家舍利佛爲和尚目連作闍
梨授十戒因說扇提羅等無行食施後受罪

報便欲捨道重爲說法心開意解普曜云佛

還入宮瞿夷攜羅雲來稽首時王臣懷疑佛

出家十二年何從出子佛言此吾之子緣吾

化生勿咎瞿夷彌沙塞云佛自將羅睺還令

第十三

舍利弗度王聞懊惱國嗣永絕請勅比丘勿

輒度人祐尋律與經事緣碩反良以對情不

第十六

同故兩存其說又觀釋族爲盛雲布赤澤雖

法俗誠異而獲道斯同難陀棄榮欲以從道

羅雲捨輪丘爲襲法栴檀圍遶龍象成羣靡

親靡踈隨應而度調御之美於茲可見

釋迦姨母出家緣

五

中本起經云佛還本國大愛道白言我聞女人出家得四道果願得出家佛言且止女人

入法非究暢梵行如是三返而退後重伸請

如前不許便與女人追佛頓止河上如前復

求又亦不許退在門外徒跣立啼阿難見問

具答即爲上請佛言止止如男少女多家則

衰弱女人出家法不久住廣說譬類重請養

育長大佛言信有是恩然我成佛其恩亦多

得歸三寶不疑四諦立信五根受持五戒皆

由我故假使女人作沙門者八敬之法不得
踰越盡受行之可入法律阿難出告便頂受
佛教又言以度女人減我正法後五百年異
學奉敬並漸衰微大方便云天魔惡邪毀佛
法僧故不聽度阿難請言如來豈不同過去
聖二
佛耶具四部衆佛言發大精進修八敬法未
十七
來世中諸善女人念阿難恩稱名供養阿難
以大威神應聲護助僧祐律師云仰惟三世
諸佛四部咸備而憍曇彌禰法亟於拒塞者
豈非女人障厚方爲道蠶故切磋接擊以勵

將來者乎

釋迦父王泥洹記六

經云父王重病告諸臣曰命斷無慮恨諸子
等在王舍去此五十由旬佛爲大慈神通徹
視願垂救接佛聞悒遲垂命即告難陀阿難
羅雲各速往及命在即以神力忽然而至放
大光明照觸患損以金色臂著王額上爲說
經法王大歡喜引佛手心上心禮於佛忽然
後世諸釋香汁浴身纏殮棺盛佛難陀喪前
肅立阿難羅雲住在喪足佛念世人不孝兒

暴設法化故躬欲擔棺大千世界巔峩踊沒
欲界諸天龍神請擔棺佛令四王擔棺肩上
自執香爐在前而行百千羅漢飛來勅往海
渚取香木大積焚之佛說離生死法火滅收
骨金函起塔佛言父王淨行生淨居天

祐律師云余觀無常之變甚矣固有形而莫
禮敬母聞乳流入如來口便與文殊來至佛
所如來出梵音曰身所經處與苦樂俱當修
涅槃永離苦樂摩耶聞法得須陀洹果三月

將盡令鳩摩羅告闍浮提如來將下欲入涅
槃帝釋作三道階佛與母別下躡寶階梵天
而無救對至是以聖人修長壽之果而不眷
蕉沫之身也

釋迦母氏登天佛徃相

七

佛在忉利天歡喜園質多樹下三月安居光
照大千光中千華皆有化佛佛告文殊令來
禮敬母聞乳流入如來口便與文殊來至佛
所如來出梵音曰身所經處與苦樂俱當修
涅槃永離苦樂摩耶聞法得須陀洹果三月
將盡令鳩摩羅告闍浮提如來將下欲入涅
涅槃
槃帝釋作三道階佛與母別下躡寶階梵天
執蓋四天王侍衛四部大眾導從滿空諸王
大集奉迎祇洹祐云敬惟佛生七日母昇忉
利三世佛法莫不自然摩耶積因記化誕聖

是以既爲天師而方味其乳已入涅槃而還
起致敬欲報之德於斯至矣

釋迦姨母大愛道泥洹緣八

摩訶波闍波提此言大愛道也亦名瞿曇彌
姨母大愛道告衆曰吾不忍見佛滅度與五
百除饑女即比丘尼庫僧會往法鏡云
聖斷六情飢餓故得號焉俱到
佛所禮已白言欲先滅度佛默然以手摩佛
足曰此最後見如來也佛爲說身患滅度爲
安諸尼禮還於精舍布五百座各現神足上
動諸天俱時泥洹佛告阿難入城遍告令興

供養乃閻維之捧舍利詣佛所四方比丘千
人飛來就座佛令阿難取舍利鉢盛佛兩手
受已告諸比丘斯聚舍利本是穢身敗道壞
德陰謀嫉妒今母能拔愚穢與丈夫行遷神
本無四衆八部與塔供養僉曰唯然

雜阿含云難陀墮二親所生母也增一云佛令阿
難難陀羅雲舉大愛道佛親供養帝釋四王
欲供養之佛言止止父母生子多有恩德要
當報恩不得不報三世諸佛母先滅度皆自
供養閻維舍利佛自舉牀一脚阿難又舉飛

至塚間佛取柏檀著其身上便說四人應起塔供養以皆十善化物故祐尋姨母爲德恩均所生是以持舉之重爰酬鞠育所以勸報復勵無恩人也

釋迦族流滅相

九

長阿含云波斯匿王娉於釋氏乃以婢女妻之立爲太后生子流離經云以初娶時諸釋紛諍故也至年八歲往詣外家學諸射術時作新堂欲請佛僧初供養故流離輒上昇師子座諸釋捉臂逐出流離恨歎語左右待我紹位當告此事

後嗣王位嚴兵將往佛聞往枯樹下王見禮問答親族之廢故勝外人聞此迴軍俟臣重讒更集兵往目連白佛欲擲兵衆他方世界佛言汝取釋種宿業擲之又欲鐵網覆城又欲舉城空中佛皆如上止云業熟受報不可奪也是時諸釋一由旬內遙射王軍皆中丘器不傷身肉流離大怖僕臣諫之諸釋受戒必不害人兵至圍城無敢出者有釋童子獨據城上多射軍衆死者無數因此又散釋種呼下汝年幼小何辱我門殺人罪重可速出

國於是童子四人拜辭出城諸國聞之舉以爲王今烏長國王即其後也流離又集令使開門兵入取諸釋埋腳象蹈令死取五百女將自執之諸女罵辱便斬手足摩訶男入水請放釋出從語放出業迷還入王怪入水太

父求之已死王悔便止凡殺九千九百九十一萬人血流成河迴軍舍衛又殺太子祇陀佛記生天釋女被害在坑念佛佛即至彼天給衣食便爲說法皆得生天

佛至迦毘東門見烟火洞然至尼拘律樹下

坐告諸比丘此城空虛更無主矣便至舍衛曰王及衆軍七日皆滅聞皆大怖慮有外寇七日既滿平安自慶將兵詣河卒大震雷暴風疾雨一時漂沒死入阿鼻天火燒宮佛便爲說往古諸釋捕魚本事

釋氏罪畢經云王迴軍已遣使敬佛佛曰王自愛矣釋罪畢矣却後七日太山鬼以火逼王文多不載

法句譬云目連聞佛說法意猶不已往舍夷國取知識四五千人內鉢舉上空中王殺三

億人已目連貢高白佛弟子承佛教得諸人
今在空存佛令視之皆已死盡因爲說法逮
得法眼祐律師云竊惟大聖垂經抑揚懲誠
夫以正覺之尊萬累久絕累塵劫而甫示
餘報明知釋種之滅非力能免斯實止煞之
望二
深誠慎業之明規也

遺迹遠近緣元缺文

+

釋迦竹園精舍緣

十一

律云摩竭王念佛初至園即以施住佛知此
念便往竹園王以金瓶授水於佛以園奉佛

佛言當施佛僧若是佛物無能用者以敬如
塔故王便從教便施佛僧種種莊嚴衆具受
用以冬夏常歲亦曰寒林也中本起云本施外道國王追
悔欲以奉佛大鬼將軍勑閻又過打外道怖
而捨去後請佛受之菩薩藏云過去諸佛皆
遊此園若有入者自然無欲又無毒心

釋迦祇洹精舍緣

十二

賢愚經云舍衛大臣名須達多財寶無限拯
濟貧乏故號爲給孤獨七男異才欲娉小者
自往王舍初聞佛名心大歡喜後見佛得初

果請佛還國先營精舍共舍利弗買太子祇陀園以金布地遍八十頃地園樹及門太子作之時有外道三億萬人共舍利弗較術諍取金園大衆通集十八億人舍利弗現通說

法各得道跡六師弟子三億人出家從道共

載余據那舍果人不生欲界本願曲開故爾祐案息心所栖是曰精舍竹林祇樹爰始基構遺風餘製扇被于今至於須達妙果所謂顯徵者矣

釋迦髮爪塔緣

十三

十誦云佛遊經久須達思見佛與髮甲起塔房住止千二百處百二十處別打犍椎寺成

曰王請佛俱來受施二人共作故寺立二名

十四

釋迦天上四塔記

十五

雜阿含云須達病佛看病因終記得三果生兜率天以本願故生天後來至佛所說偈不

忉利城東照明園佛髮塔城南麞澁園佛衣塔城西歡喜園佛鉢塔城北駕御園佛牙塔

大論云天帝取菩薩髮天上城東立塔取寶

衣立衣塔此未成佛前者案經律人中有四大塔生處塔在迦維羅衛國林微園中成道塔在摩竭提國善勝道場元吉樹下

轉法輪塔在波羅柰國仙人住處鹿野苑中

涅槃塔在拘夷那竭國力士生地秀林雙樹間又按聖迹記有四大塔

祐云案至人處世利益弘大髮爪衣鉢咸爲法事故能寶塔覆起廣被天人造塔之源非唯散身而已

優填造釋迦栴檀像緣十五

增一云帝釋請佛在天爲母說法佛念四衆懈怠不將侍者獨在天宮時優填王等咸思如來即勑巧工以栴檀作佛形高五尺

觀佛三昧云優填鑄金像佛從天下載像來

迎爲佛作禮佛言汝於來世大作佛事我諸弟子咸付囑汝空中化佛言若有造佛像

供養必得念佛清淨三昧

波斯匿王造金像記十六

增一云王思佛久遂得痛苦聞優填作佛便

召匠工以金作之煌若天金高五尺爾時闍
浮始有二像

育王弟出家造石像緣

十七

求離獄經云王弟善容入山見梵志苦行求
仙以欲心動不能成辦又自念言沙門樂行
豈得無欲王聞弟語即增樂具七日當然以
念死故都無愛情自說無常深生信樂求欲
出家便成四果育王傳云以弟不樂世間即
使鬼神於城內爲造山水高十丈斷絕人物
自捨衣資造石像高一丈六在窟供養

祐云案畫像原始出自覺製於是金石香紵
鑄刻遂滋皆所以摹影相好髮鬚尊儀及優
填所造殆其神力所化乎

釋迦留影在石室記

十八

觀佛三昧云龍王請佛常住池側恐發惡心
無由成道神天又請願爲一切佛便索羅刹
石窟於中止住分身諸國普爲說法佛受龍
請千五百歲石內現外諸人天衆供養佛影
影亦說法窟高一丈八尺深二十四步石青

白色在那乾訶那國古仙瞻薦華林毒龍池

側青蓮泉北羅刹窟中阿那斯山巖南祐尋法身無形隨應而現雖虛影霧曖即是如來故捨身龍鬼宣法天衆是以經云是諸化佛皆是真實斯之謂乎

阿育王造八萬四千塔記

廢興相示

十九

佛與四衆循邑而行有二童子沙中嬉戲見佛相好大者以沙麪上佛鉢中小者隨喜因發願得一天下一繖蓋王仍供諸佛佛令阿難以沙安佛經行處因授記之後果生爲王子名曰無憂身大麤齒父不喜見仍有大志

專行征伐地出兵甲所向皆伏至于海際王崩嗣位諸天灌頂神人欣慶

傳云初拜王日鐵輪飛降王闇浮提虛空地下各四十里神鬼臣屬後示威嚴煞五百臣燒煞諸女人號惡育王也立菟陀爲大臣即隨喜王者自王立獄城煞人入無免者商主比丘爲王說法王生信敬懾前獄業受佛遙記譬喻經云宮中四事常供二萬沙門有沙彌名端正年十三現通噉梵志二萬人令受佛化傳云王問道人煞害非理如何得滅答

曰唯有起塔供僧赦獄濟乏又以神力手掩日光作八萬四千道所照處起塔即壞七大塔取舍利從龍取寶篋莊嚴具勑鬼神於此洲滿一億家可立一塔即以月十五日月蝕時同時立八萬四千塔人衆咸慶阿育王既立塔已往雞雀寺優波崛多將眷屬從摩偷羅國飛來王所次遍示佛遊行處皆立表塔時得道人化爲多頭募賞藏空牙齒塔神恨之乃有文天神排山斧王及以兵衆無不死大弟子塔亦同供養返上正殿燒香大請即有三十萬比丘來集又感賓頭盧手舉眉毛爲王說法我住捷陀摩羅山同行萬羅漢王

聖二
釋迦氏譜
普供養滿億百千金乃至衰老太子制約送半菴羅果研破羹內僧中行之便訖後世至第四世王佞臣告王欲令名德久存於世者當壞諸塔先往雞雀寺石師子吼王怖入城遂壞僧坊殺害比丘得沙門頭者賞之百金時得道人化爲多頭募賞藏空牙齒塔神恨者孔雀之裔於此云殂祐尋八萬塔緣乃懸記後事廣長所說其驗已徵撰譜之始本論釋種但塔與阿育備記佛氏雖於文爲繁而

塔事備矣

釋迦遺法終限相

二十一

雜阿舍云我滅度後百年有優波崛多大作
佛事我以正法付囑人天教法在世千歲不
動又告天帝四王護持正法過千歲後非法
出現惡風暴雨多諸災患四方諸王殺害比
丘破壞塔寺餘十二年諸比丘衆來集中國
拘琰彌王生子難當手以血塗身如甲冑有
天勇力五百臣子形相並同一日雨血得紹
王位伐四惡王並戰殺盡王闍浮提三藏比

丘爲王說法生大信敬施僧無畏種種供養
滿十二年以得利養不修三業自嚴飾身離
出家法天龍惡念不復護衛高唱是言却後
七日佛法當滅至說戒日僧中鬪諍雖百千
人唯一羅漢三藏比丘不忍聞戒羅漢欲聞
弟子交諍遂相殺害於是畧盡諸天世人悲
哀號哭大地六動各各離散拘琰彌王聞生
生懊惱諸邪見人競破塔廟及害比丘佛法索
然一時頓滅法既滅盡經具說滅相謂樂俗
衣及好服飾飲酒炙肉畜八不淨等

僧祐定以方等深密因知三寶常住常住之法理無興滅興滅之來乃隨世緣業耳晨離西隱不害千光之恒明也余以感通之道殆非人謀神交理會妙有恒准前約終相斯乃一期至於大歸不無出沒如摩耶等經于五百歲不淨觀法無聞於時今雖後世學者未顯或以爲滅自有功用何妨常存又云佛度女人正法滅半修行八敬還復千年此亦據行有顯晦耳如來存世尚有不見聞者何況滅後根鈍障厚誠爲滅相故經云我淨土不

毀而衆見燒盡斯豈不據信解明昧故有興亡異途耶又依善見論佛法住世一萬年五千年修道得三達智後五千年修道不獲然有剃髮袈裟相續以斯通望經論互說增減不同豈不隨人情所見也又依入大乘論佛以正法付賓頭盧羅睺羅等十六大阿羅漢令住持佛法又有九十九億諸阿羅漢親於佛前受籌住壽護法不絕諸大羅漢各有眷屬在閻浮提及餘三方天上爲作福田護法住故不明時
候也又依別傳佛滅度後八百年中

師子國有大阿羅漢名爲慶友將欲滅度廣
召四衆佛以正法付囑迦葉乃至十六大阿
羅漢在於四洲天上住壽護法乃至人壽減
十歲時刀兵劫起諸聖人等于時暫隱乃至
人壽增一百歲時聖人總出如前化導還復
興顯至人壽增六萬歲已諸聖並集於閻浮
提收聚如來所有舍利起一大塔七寶莊嚴
踊在空中諸阿羅漢各禮佛塔作如是言敬
禮釋迦牟尼佛所有舍利我等受佛遺囑護
持正法今時緣已盡所作已辦我等今日奉

辭涅槃於是以願力故空中化火滅無遺骸
如來舍利沒金剛際爾時世界三寶名滅至
人壽七萬歲時有七萬億數辟支佛出現但
現通化爲世福田如是乃至八萬歲時彌勒
下生據此佛化時時相接也余以佛譜所修
則異於恒准俗中譜列姓起於三五中流
從派不一佛則始於無始表開元求道之晨
末則終於無終明化道之緣莫竭由斯言故
釋尊流化訖於六萬之修齡獨覺接統極千
尺之嘉運也然經律明相千年萬年舉別情

之所指亦有符於滯結者則祇洹去舍衛咫尺佛住二十五年城戶九億聞見三分之一以斯例准豈不大通

又釋氏之姓法俗兩緣俗則猶居王位北天

烏場王等是也道則橫滿大千遠通六萬綿

綿萬萬連綴與法俱存故道被東川三被誅

剪雖云此滅餘國仍存然十六大聖億千無

學冥中弘護尋復興之斯則滅不可滅殆非

人謀弘實可弘真歸聖力止當憑准成教觀

用相循摧抑妄倒祛除業染爲功不已覆簷

可期背此悠悠終爲虛往故於譜末誠而序焉

釋迦氏譜卷下

音釋

鞞

半
切

犍陟

梵語也
言切

蹠

馬名
切

巨

知義
切

憚

虛業
切

以威

言
切

少

尺沼
切

跔

竹力
切

蹠

踏也
切

蹠

知義
切

殲

切

殲

必刃
切

擊

力
切

擊

子智
切

害

許
切

殲

襲
切

殲

殲
切

殲

殲
切

捨擊

捨彼
口
切

捨

捨
切

擊

也
切

永樂北藏

釋迦氏譜

第一三三册